


बच्चियां ताई बाइबल  
पेस करदी ऐ



सुअर्ग,  
परमात्मे दा  
सुन्दर घर



Edward Hughes: दे जरिये लिखियो ऐ।

Lazarus; Alastair Paterson: दे जरिये बणाई गई।

Sarah S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children

[www.M1914.org](http://www.M1914.org): दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां  
जो इसा काहणिया जो कोपी या परिंट करणे दी इज्जाजत ऐ।



जाहलू यीशु धरती च रँहदे थे तां तिन्हां अपणे  
चेलैयां जो सुअर्ग दे बारे च दस्सेया। तिन्हीं  
इसियो मेरे पिता दा घर गलाया,  
कने एह भी गलाया कि  
तित्थु मते मेहल हन।  
मेहल इक्क बड्डा  
कने सुन्दर घर ऐ।




सुअर्ग धरती दे घरे ते बड्डा कने सुन्दर ऐ।



यीशुयें गलाया, “में तुहां ताई जगाह त्यार  
करणा चलेया ऐ। कने जे में जाई नैं तुहां  
ताई जगाह त्यार करैं, तां भिरी आई नैं तुहां  
जो अपणे ऐत्थु  
सद्दी लेंगा।



मरेयां ते दोबारा जिन्दा होणे ते बाद यीशु  
सुअर्गे जो गेआ। जाहलू तिसदे चेले दिक्खा  
दे थे तां यीशु चुकी लेआ, कने इक्की बदलें  
तिसियो तिन्हां दिया नजरा ते ओझल  
करी दिता।



ताहलू ते मसीह लोकां वापस ओणे कने तिन्हां  
जो पाणे ताई यीशु दे वादे जो याद कित्ता ऐ।  
यीशुयें गलाया कि सैह चाणचक वापस  
आंगा, जाहलू कम उम्मीद  
हुंगी। अपर तिन्हां मसीह  
लोकां दा क्या जेहड़े  
तिसदे ओणे ते पैहल्लैं  
मरी जांदे हन?


यहोवा परमात्मे दे  
सामणें हाजिर होणा

बाइबल गलांदी ऐ कि  
सैह सौगी रहणा जांदे हन। सरीरें ते  
हाजिर होणा प्रभु सौगी हाजिर होणा ऐ।



प्रकाशितवाक्य, बाइबला दी आखरी कताब,  
अहां जो दस्सदी ऐ कि सुअर्ग कितणा अनोखा  
ऐ। सबते अनोखी गल्ल एह ऐ कि, सुअर्ग  
परमात्मे दा घर ऐ।

परमात्मा हर  
जगाह ऐ,  
अपर तिसदा  
सिंहासन  
सुअर्ग  
च ऐ।



सुअर्गदूत कने दूये सुअर्गिय प्राणी सुअर्गे च  
परमात्मे दी अराधना करदे हन।

इआं ई परमात्मे दे सारे लोक  
करन जेहडे मरी गे हन कने  
सुअर्गे च चली गे हन। सैह

परमात्मे दी  
स्तुति दे  
खास गीत  
गांदे हन।






ऐत्थु तिन्हां दे जरिये गाणयो गीत इक्क गाणे  
दे कुच्छ शब्द दित्ते गो हनः तुहां इस लायक  
हन कि तुहां हर जाति कने  
देसे ते अपणे खूने दे जरिये  
अहां जो परमात्मे तांई खरीदी  
लेआ ऐ कने  
अहां जो अहां  
दे परमात्मे  
तांई राजा  
कने याजक  
बणाया  
ऐ।

(प्रका.5:9)



बाइबला दे आखरी पाठां च सुअर्गे दा बखान  
“नौआं यरूशलेम सैहर” दे रूपे च कित्ता ऐ। एह  
बड़ा बड़्डा ऐ, बाहर इक्क ऊची दीवार ऐ। दीवार  
यशब पत्थरे दी थी, जेहड़ी सीशे साइआं साफ

थी। सुन्दर  
गैहणोयां कने  
किमती पत्थरां  
नै दीवारा दी  
नीआ जो ढकी  
दित्या। सैहरे दा हर  
इक्क दरवाजा इक्क  
कीमती मोतिये नै बणोया ऐ!



सैह मोती दे बड्डे दरवाजे कदी बन्द नीं हुंदे।  
चला अन्दर चलदे हन कने चौंनी पाससैं दिखदे  
हन...वाह! सुअर्गे अन्दर ते होर भी खुबसुरत ऐ।


एह सैहर साफ सीशे  
साइआं साफ सोने  
नैं बणोया ऐ।  
गली भी सोने




दी बणियो  
ऐ।



परमात्मे दे सिंहासणे ते जिन्दगिया दे पाणिये  
दी इक्क सुन्दर नदी बैहंदी ऐ। नदिया दे दूनीं  
पास्सैं जिन्दगिया दा रूख ऐ, जेहड़ा सबते  
पैहल्लैं अदन दे बगीचे च था। एह रूख बड़ा  
खास ऐ, हर मीहने इक्क लग्ग तरीके दा, कने  
जिन्दगिया दे रूखे दे पतर देसां दे इलाज  
ताई हन।



सुअर्गे जो परगड़े ताई सूरजे दी या चद्रमे दी  
जरूरत नीं ऐ। परमात्मे दी अपणी महिमा  
तिसियो अनोखे परगड़े नैं भरी दिंदी ऐ। तित्थु  
कदी कोई रात नीं हुंदी ऐ।



सुअर्गे दे जानवर भी लग्ग हन। सैह सारे  
मिलणसार हन। भेडिये कने भेड्डां दे बच्चे  
सौगी-सौगी घाह खांदे हन। ताकतवर शेर भी  
दांदा साइआं भूह खांदे हन। यहोवा परमात्मा  
गलांदा, कि मेरे सारे पवित्र पर नां तां सैह  
नकसान पज्जांगे कने ना तां नास करगे।



जाहलू अहां चौंनी पास्रैं  
दिखदे हन, तां अहां दिखदे  
हन कि सुअर्गे ते कुच्छ  
चीज्जां गायब हन।

कोई नराज होणे  
दा सब्द कदी नीं  
सुणोया जांदा ऐ।  
कोई नीं लडदा ऐ  
कने ना कोई  
सुआर्थी ऐ।



दरवाजे पर ताले भी नीं  
हन, कजोकि सुअर्गे च कोई  
चोर नीं ऐ। कोई झूठा,  
हत्यारा, जादूगर  
कने कोई बुरे लोक  
नीं हन। सुअर्गे  
च कोई भी  
पाप नीं ऐ।







परमात्मे सौगी सुअर्गे  
च हुण होर दुख नीं  
हन। कदी-कदी, इसा  
जिन्दगिया च मते दुखां  
दिया बजाह ते लोक  
रोंदे हन। सुअर्गे च,  
परमात्मा सारे आसुआं  
जो पुज्जीं दिंगा।



सुअर्गे च कोई मौत नीं ऐ। परमात्मे दे लोक  
हमेसा यहोवा परमात्मे सौगी रँहगे। हुण ना  
कोई दुख, ना रोणा, ना दर्द ऐ। कोई बमारी नीं,  
कोई बिदाई नीं कने  
कोई अन्तिम  
संस्कार नीं ऐ।  
सुअर्गे च हर  
कोई परमात्मे  
सौगी हमेसा  
ताई खुस ऐ।



सबते खरी गल्ल एह ऐ कि सुअर्ग तिन्हां  
मुँडुआं कने कुड़ियां ताई ऐ (कने बड्डे भी)  
जिन्हां यीशु मसीह जो अपणे मुक्तिदाता  
दे रूपे च मनेया ऐ कने तिसियो  
अपणे परमात्मे दे रूपे  
च मनेया ऐ।



सुअर्गे च मेम्ने दिया कताबा दा नां जिन्दिया  
दी इक्क कताब ऐ। एह लोकां दे नांरे नैं  
भरौइयो ऐ। क्या तुहां जाणदे ऐ कि तित्थु  
कुसदे नां लिखेयो हन? सैह सारे  
लोक जेहडे यीशु पर बसुआस  
करदे हन।

क्या तुहां दा  
नां तित्थु ऐ?



सुअर्गे दे बारे च बाइबला दे आखरी सब्द  
इक्क अनोखा बुलावा ऐ।



“कने आत्मा कने दुल्हन गलांदे हन, ‘ओआ!’  
कने जेहड़ा सुणदा ऐ सैह गलां ‘ओआ!’ कने  
जेहड़ा कोई प्यासा ओर्यें, सैह ओर्यें, कने जेहड़ा  
कोई चांह, सैह जिन्दगिया दा पाणी बेझिझक  
लेई सकदा  
ऐ।”



सुअर्ग, परमात्मे दा सुन्दर घर

परमात्मे दा वचन, बाइबला दी इक्की काहणिया

च पाण्या जांदा ऐ

यूहन्ना 14; 2 कुरिन्थियों 5;  
प्रकाशितवाक्य 4, 21, 22

"तेरे वचनां दी समझ मिन्जो जोती दिंदी ऐ।"

भजन 119:130



आखरी





बाइबला दी एह काहणी अहां जो अहां दे  
अनोखे परमात्मे दे बारे च दस्सदी ऐ जिन्हीं  
अहां जो बणाया ऐ कने जेहड़ा सैह चांहदा ऐ  
कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तियो हन  
जिसियो सैह पाप ग्लांदा ऐ। पाप दी सज़ा मौत ऐ,  
अपर परमात्मैं अहां नैं इतणा प्यार कित्ता ऐ कि तिन्हीं  
अपणे इक्कलौते पुत्र, यीशु जो सूत्रिया पर मरणे ताई  
घल्लेया। तांजे अहां अपणे पापां दिया सज़ा ते बची  
सकन। ताहलू यीशु दोबारा जिन्दा होएया कने सुअर्गे  
जो चली गेआ। जे तुहां यीशु पर बसुआस करदे हन  
कने अपणे पापां ते पश्चाताप करदे हन, तां सैह इआं  
करगा जाहलू सैह वापस आंगा कने तुहां सौगी रेंहगा,  
कने तुहां तिस सौगी सदा ताई जिन्दे रेंहगे।



मेरे प्यारे यीशु, मिन्जो बसुआस ऐ कि तुहां  
परमात्मा हन, कने मेरे पापां तांई तुहां माणु बणी  
करी अपणे प्राण देई दित्ते, कने हुण भी तुहां जिन्दे  
परमात्मा हन। करिपा करी नैं तुहां मेरिया  
जिन्दगिया च ओआ कने मेरे पापां जो माफ करा,  
तांजे मैं हुण नौई जिन्दगी पाई सकैं, कने हर दिन  
मैं तुहां सौगी रैंह। तुहां अपणे हुक्मां जो मनणे  
तांई मेरी मदत करा कने मैं अपनी जिन्दगी  
तुहां सौगी जी सकैं। अमीन।

हर रोज बाइबल पढा कने परमात्मे नैं  
गल्तां करा। यूहन्ना 3:16

